



BSO pripojio Zovko osiguranje



Sredinom novembra Bosna-Sunce osiguranje kupilo je Zovko osiguranje za devet miliona KM

Skupština Bosna-Sunce osiguranje d.d. Sarajevo donijela je odluku o reorganizaciji prihvatanjem pripajanja društva Zovko osiguranje d.d. Žepče društvu Bosna-Sunce osiguranje d.d. Sarajevo.

Provođenjem odluke o pripajanju, društvo Zovko osiguranje d.d. Žepče - dioničko društvo za osiguranje imovine, pripojit će se društvu slijedniku Bosna-Sunce osiguranje d.d. Sarajevo.

- Razlozi za provođenje postupka pripajanja nalaze se u činjenici da društva obavljaju kompatibilne djelatnosti i da je Bosna-Sunce osiguranje

d.d. Sarajevo stopostotni vlasnik društva koje se pripaja, navodi se u informaciji BSO.

Sredinom novembra Bosna-Sunce osiguranje kupilo je Zovko osiguranje za 9 miliona KM.

Za šest mjeseci 2017. Zovko osiguranje imalo je tržišni udio na nivou BiH od 2,7 posto (9,4 miliona KM bruto zaračunate premije), dok je Bosna-Sunce osiguranje imalo udio 7,3 posto (25,1 milion KM premije).

Spajanjem ova dva društva Bosna-Sunce osiguranje će, gledano pojedinačno, postati tržišni lider, sa udjelom koji će iznositi oko deset posto.